



Kukkunersiuinermut Ataatsimiititaliap / Revisionudvalget Inatsisartut

Brevdato: 13-08-2021
Sags nr. 2021 - 9873

**Kukkunersiuinermut Ataatsimiititaliap Nunatta Karsiani Naatsorsuut 2020 pillugu
apeqqutaanut akissut**

Maanna, 14/7 2021-mi Kukkunersiuinermut Ataatsimiititaliap allagaanut,
Kukkunersiuinermut Ataatsimiititaliap kukkunersiuinermi nalunaarusiamut
oqaaseqaatinik qinnuiginnissutaannut, Naalakkersuisut akissutaat nassiunneqarpoq.

P. O. Box 1037
3900 Nuuk
Tel. (+299) 34 50 00
Fax (+299) 34 63 50
E-mail: oed@nanoq.gl
www.naalakkersuisut.gl

----- 000 -----

Besvarelse af Revisionsudvalgets spørgsmål til Landskassens Regnskab for 2020

Herved fremsendes Naalakkersuisuts besvarelse af Revisionsudvalgets brev af den
14/7 2021, hvor Revisionsudvalget anmoder om bemærkninger til revisionsprotokollatet.

Inussiarnersumik inuulluaqqusillunga

Med venlig hilsen

Asii Chemnitz Narup

Nunatta Karsiata 2020-mi naatsorsuutaanut Kukkunersiuinermut Ataatsimiititaliap apeqqutaanut akissutit

Imarisai

Kukkunersiuusut nalunaarutaat naapertorlugu kukkunersiuusut oqaaseqaataannut innersuussutaanullu

Kukkunersiuusut oqaaseqaataat.....	2
Kukkunersiuusut oqaaseqaataat 2020.....	2
Kukkunersiuusut ukiut siuliini oqaaseqaataannut malitseqartitsineq.....	2
Kukkunersiuisoqarfiup innersuussutai.....	5

Kukkunersiuisut nalunaarutaat naapertorlugu kukkunersiuisut oqaaseqaataannut innersuussutaanullu Kukkunersiuisut oqaaseqaataat

Kukkunersiuisut oqaaseqaataat 2020

Kukkunersiuisut oqaaseqaataat 2020-01
Pisortat ingerlatsiviutaannut allanut (ingerlatseqatigiiffiit namminersortitat, ingerlatseqatigiiffiit Namminersorlutik Oqartussanit pigineqartut kiisalu kommunit) akiligassat naligiissaarneqarnerat
Akissut: Namminersorlutik Oqartussat kommunillu aningaasaqarnermut atortuminnik taarsersuisimapput imaluunniit taarsersuullutik aallartissimapput, tamatumalu soorunami kingunerisimavaa naatsorsuuserinermi sulisussat ilarpassui suliassamik taassuminnga sulisussanngortinneqarsimammata imaluunniit suliaqartinneqarsimammata. Qitiusumik Naatsorsuuseriffik kommuninut pisortanilu ingerlatsivinnut allanut tunngatillugu akiligassat (pissarsiassat akiitsullu) naligiissarneqarneqarnissaannut nukippassuarnik massakut atuisarpoq. Naligiissaarinerit tamakku immikkoortortaqarfimmi naatsorsueriaatsinut ingerlaavartunut ilanngunneqareerpata Namminersorlutik Oqartussat, kommunit, ingerlatseqatigiiffiit namminersortitat ingerlatseqatigiiffiillu Namminersorlutik Oqartussanit pigineqartut aqqutigalugit "suliffeqarfiup iluani" aningaasartuutit isertitallu naligiissarneqarnissaat aamma qitiutinneqalissaq.

Kukkunersiuisut ukiut siuliini oqaaseqaataannut malitseqartitsineq

Kukkunersiuisut oqaaseqaataat 2013-04
Namineq nakkutilliinermut tunngatillugu akissarsiat tamakkiisut allattorsimaffiini suliaqartarnerup pingaarutaanik erseqqissaaneq
Akissut: Atortup isumaqatigiissutaasup atortussanngortinnissaa kinguartoorfiusimavoq, tassami nioqqutilik tunniussassamik isumaqatigiissutaasumik tunniussisinnaanngitsoq paasinarsisimammata. Nukingisaarutinut atortup immini ingerlasartup atorineqalernissaa tikillugu nammineerluni suleriaatsip pigiinnarnissaata pingaaruteqassusaa akissarsialerivimmiit erseqqissarneqarpoq. 2022-p aallartinnerani akissarsialerinerimut atortumik nutarterinissamut eqqarsaataasumut atatillugu immini ingerlasartup eqqarsaataasup atorineqalernissaa misilinniarneqarpoq.

Kukkunersiuisut oqaaseqaataat 2013-07
--

Taarsigassarsiarineqartunut immikkoortut ukiup ingerlanerani ingerlaavartumik malitseqartinnerat aamma naligiissarneqarnerat

Akissut:

Taarsigassarsiaritit ingerlaavartumik malitseqartinnissaannut naligiissartarnissaannullu periutsimik pilersitsiniarneq 2021-mi ingerlaannassaaq. Taarsigassarsisarnermut atortumik nutaamik nassaarniarluni sulineq sulisup pingaarutillip taarserneqarnissaa pissutaalluni unitsinneqarallarsimavoq. Maanna sulisumik nutaamik atorfinitsitsisoqarsimavoq, taarsigassarsitsisarnermullu atortumik nutaamik nassaarniarluni sulineq aallarteqqinneqassaaq. Taamaattumik taarsigassarsitsisinermi atortoq pisoqaaq ukiut arlaqanngitsut iluanni atorunnaarsinneqarsinnaassaaq.

Kukkunersiuissut oqaaseqaataat 2013-08

Nioqqutissanik sullissinernillu pisinerit eqqortumik nalunaarsortarnissaat siunertaralugu nioqquteqartunut akiitsut naligiissarneqartarnerisa pitsanngorsaaffigeqqinnerat

Akissut:

Ukiup ingerlanerani suliassaqarfimmi suleriaatsip pitsanngortinnissaa sulissutigineqarsimavoq. Qitiusumik Naatsorsuuserinermut Immikkoortortaqaqarfiup nioqquteqartunut akiitsut naligiissarneqarnissaannut sulineramik suli pitsanngorsaaniarluni sulinera 2021-mi ingerlaannassaaq.

Kukkunersiuissut oqaaseqaataat 2016-02

Akissarsianik naatsorsuutininut allattuinermi naligiissaariuarneq, kiisalu Sulinal aamma XAL-ip ataqatigiinnerannik naligiissarineq

Akissut:

Akissarsiat misissoqqissaartarnissaannut naligiissartarnissaannullu ingerlaavartumik nakkutilliilluni sulineq maanna ingerlanneqarmat immikkoortoq 2020-mi Kukkunersiuisoqarfimmit matuneqarsimavoq.

Kukkunersiuissut oqaaseqaataat 2016-04

Akiligassaqarfiit- aamma aningaaserivimmiittuutit naligiissarneranni suliassat ammasut amigartumik isummerfiginerat

Akissut:

Tamanna ukiup ingerlanerani sulissutigineqarsimavoq. Suliassat ammasut malitseqartittarnissaannut suliarisarnissaannullu suleriaatsit pitsanngortinnissaat Qitiusumik Naatsorsuuserinermut Immikkoortorta qarfiup 2021-mi suli qitiutinniarpaa.

Kukkunersiuisut oqaaseqaataat 2017-02

Erniarineqartut, akilersuutinut il.il. akiliisitsiniartarnerit suliarinissaannut taarsigassarsiniarnermut iluserititaq XAL-imi amigaatigineqarpoq.

Akissut 2020:

Taarsigassarsisarnermut atortumik nutaamik nassaarniarluni sulineq sulisup pingaarutillip taarserneqarnissaa pissutaalluni unitsinneqarallarsimavoq. Maanna sulisumik nutaamik atorfinitsitsisoqarsimavoq, taarsigassarsititsisarnermullu atortumik nutaamik nassaarniarluni sulineq aallarteqqinneqassaaq. Taamaattumik taarsigassarsitsisinermi atortoq pisoqaq ukiut arlaqanngitsut iluanni atorunnaarsinneqarsinnaassaaq.

2019-imi akissutigineqartoq naapertorlugu erseqqissarneqassaaq unammilligassat amigartumik sulisimanermiit pisuunngimmata, kisiannili aaqqiissutissanut pingaarutilinnut sulisussaaleqinermik isersinnaannginnermillu tunngaveqarmata.

Kukkunersiuisoqarfiup innersuussutai

Kukkunersiuisoqarfiup innersuussutai - 01
IT-kkut isumannaassutsip qaffasissusissaata aalajangernissaa siunertaralugu IT-kkut aarlerinartunik pisortatigoortumik pisortaniillu akuerisaasumik misissueqqissaartoqarnissaa innersuussutigineqarpoq.
Akissut: Namminersorlutik Oqartussat paasissutissat isumannaatsuunissaannut malitassatut atuuttoq DS484 maleruartussaavaat, matumanili IT-kkut aarlerinartunik misissueqqissaarneq ilaanngilaq. Taamaattorli IT-kkut aarlerinartunik misissueqqissaartarneq paasissutissat isumannaatsuunissaannut malitassatut atuuttumi ISO27001-imi ilaavoq. Nuna tamakkerlugu digitalingortitsinissamut Periusissaq naapertorlugu Namminersorlutik Oqartussani ISO27001-ip atornerqalernissaa anguniarneqartussaavoq. Digitaliseriinermit Aqutsisoqarfik suliamik taassuminnga aallartitsisimavoq, tassanilu pingaarnertut ilanngunneqarput: paasissutissiisarnermut sillimaniarnermullu politiki nutaaq kaajallaasitarlu, kaajallaasitamilu sillimaniarnerup aaqqissuusaanera nassuiarneqarluni. IT-qarnermi navianaatilinnut misissueqqissaarnissanut immikkut tunngatillugu Digitaliseriinermit Aqutsisoqarfik 2021-mi atortunut aqutsisoqarfiup nammineerluni piginnittuuffiit navianartoqarsinnaaneranut misissueqqissaassaaq, sulinermilu tassani Namminersorlutik Oqartussat immikkoortuisa IT-qarnikkut atortuinut allanut taamatut sulisoqassalluni. ISO 27001-ip tamakkiisumik atortuulersinnissaa 2023-mi pissasoq naatsorsuutaavoq.

Kukkunersiuisut innersuussutaat - 02
Atortuni aqutsissutinilu tamani atuisunik aqutsinermit pisortatigoortumik periusissiortoqarnissaa innersuussutigineqarpoq. Tassunga ilanngullugit atuisunik pilersitsinermit pisinnaatitaaffiliinerullu periutsit, iserfigisinnaasanik pisinnaatitaaffinnillu nalilersueqqittarnermik periutsit kiisalu atuisunik piffissaq eqqorlugu atuisuujunnaarsitsisarneq.
Akissut: 2020-mi Pisortat ataatsimoorlutik IT-qarnermit immikkoortortaa (massakut Inussuk IT) Aningaasaqarnermit Sulisoqarnermullu Aqutsisoqarfik peqatigalugu atuisunut aqutsisarnermit atuisunillu pilersitsisarnermit tunngatillugu suliniutissamut isumassarsiamik suliaqarsimavoq, tamannalu HR-imut atortup Minkey-p atortussanngortinneranik nangitsineruvoq. Suliniut taanna kukkunersiuisut innersuussutaani nassuiarneqartumut matussusiisinnaasutut nalilerneqarpoq. Minkey-p 2022-p ingerlanerani aatsaat tamakkiisumik atortussanngortinnissaa naatsorsuutaammat suliniutissap atortussanngortinnissaanut taassumalu aningaasalersornissaanut ulloq manna tikillugu isummertoqarsimangilaq.

Kukkunersiuisut innersuussutaat - 03

MR-akissarsiani atuisutut ataatsimut isertaammik atuisoqarani atuisut ataasiakkaarlutik isertaateqartinneqassasut innersuussutigineqarpoq.

Akissut:

IT-qarnerup kukkunersiorneqarneranut atatillugu atuisunut allattuiffimmik suliaqartoqarsimavoq. 2021-mi ukiaanerani inunnut immikkut atuisunut isissutissanik pilersitsisoqarsinnaassasoq naatsorsuutaavoq.

Kukkunersiuisut innersuussutaat - 04

Iserinnaanerup MR-akissarsiani ineriartortitsisunut killilerneqassasoq innersuussutigineqarpoq. Tamanna ajornarpat atuisut MR-akissarsiani iliuusiisa nakkutigineqarnissaat innersuussutigineqarpoq (log).

Akissut:

IT-qarnerup kukkunersiorneqarneranut atatillugu atuisunut allattuiffimmik suliaqartoqarsimavoq. Malugeqquneqarpoq sammisat tamarmik kukkunersiuisut isertarfiannut isersinnaalereersimammata.

Kukkunersiuisut innersuussutaat - 05

Atortup aaqqissuussaannermigut programini programillu akornanni atuuffinnik immikkoortiterinernik toqqissisimanartumik pilersitsinissamut periarfissaqartitsinersoq erseqqissarniarlugu MR-akissarsiat, IRIS aamma AX (PRISME) pisortatigoortumik misissorneqarnissaat innersuussutigineqarpoq. Tassunga atatillugu atuuffiit/pisinnaatitaaffiit atuuffinnik immikkoortiterinermik akerleriinnermik pilersitsisartut taamaattumillu tunniunneqartussaassanngitsut pillugit takussutissiortoqartariaqarpoq. Taamatuttaaq MR-akissarsiani maannakkut isissutissatut kodenut malittarisassat, isissutissatut kodenut politikimut pingaarnermut naapertuuttunngortillugit nutarterneqarnissaat innersuussutigineqarpoq.

Ilanngullugu innersuussutigineqarpoq misissuinerit siulianiittut aallaavigalugit pisussaaffiit/pisinnaatitaaffiit atuinnermi immikkoortitsinikkut aaqqiagiinnginnernik kinguneqarsinnaasut suut takussusissaliorfigineqassanersut, taamaalillutilu tunniunneqartariaqannginnersut, matumani tamatumunnga immikkut akuersissuteqartoqarsimangippat nakkutilliinerillu taarsiiffiusut ilanngunneqarsimangippata (soorlu isersinnaaneq taassumalu misissuiffiginera).

Akissut:

Atortup aaqqissuussaannermigut programini programillu akornanni atuuffinnik immikkoortiterinernik toqqissisimanartumik pilersitsinissamut periarfissaqartitsinersoq erseqqissarniarlugu MR-akissarsiat, IRIS

aamma AX (PRISME) pisortatigoortumik misissornissaannut 2020-mi sulisussaqsarmanngilaq. Innersuussut 2021-mi nalilersorneqaqqissaq.

Kukkunersiuisut innersuussutaat - 06

Atortunut aqutsissutinullu susassaqarfigisanut atuisunut pisinnaatitaaffiliinerit piffissakkaartumik nalilersorneqarnissaat innersuussutigineqarpoq. Sulisup pisinnaatitaaffigisaasa suliaminut atatillugu pisariaqartitaanut naapertuuttut pigiinnarneqarnissaat siunertaralugu taamaaliortoqassaaq.,

Akissut:

2020-mi Pisortat ataatsimoorlutik IT-qarnermut immikkoortortaa (massakut Inussuk IT) Aningaasaqarnermut Sulisoqarnermullu Aqutsisoqarfik peqatigalugu atuisunut aqutsisarnermut atuisunillu pilersitsisarnermut tunngatillugu suliniutissamut isumassarsiamik suliaqsarimavoq, tamannalu HR-imut atortup Minkey-p atortussanngortinneranik nangitsineruvoq. Suliniut taanna kukkunersiuisut innersuussutaani nassuiarneqartumut matussusiisinnaasutut nalilerneqarpoq. Minkey-p 2022-p ingerlanerani aatsaat tamakkiisumik atortussanngortinnissaa naatsorsuutaammat suliniutissap atortussanngortinnissaanut taassumalu aningaasalersornissaanut ulloq manna tikillugu isummertoqsarmanngilaq.

Kukkunersiuisut innersuussutaat - 07

MR-akissarsianut atortup ingerlatilernissaani allannguutitut atatillugu misiligutit naammassineqartut amerlassusaat pitsaassusaallu uppersarsarneqartarnissaat innersuussutigineqarpoq. Taamatuttaaq allannguutit akuerineqarneri naapertuuttumik uppersarsarneqartassapput.

Akissut:

Akissarsialerinerit atortoqarnermi allannguinerit allarluinnarni ingerlanneqassapput, tassanngaanniillu isumaqatigiissutissanut nutaanut allannguutaajunnartunullu allanut misiliisoqartassaaq. Misiliineq inummit allamit suliarineqassaaq. Allannguinerit nalunaarsorneqartut Akissarsialeriffimmi teknikimut immikkoortortaarfimmi teknikikkut allakkiatut allanneqassapput.

Kukkunersiuisut innersuussutaat - 8

Nuussisarnermut malittarisassat, isumannaallisaanermi tunngaviit kiisalu naatsorsuuserinermi periutsimi atorneqartumi inernerit taaguusersuutaat assigiinngitsut takussuserneqarneri naatsorsuisarnermi atorneqarneqartarneranni pitsaanerumik nassuiarneqarnissaat innersuussutigineqarpoq. Inissinneqartut sorliit IS-imi angusani iluarsineqassanersut pillugit erseqqinnerusumik nassuiaaneq.

Taakkua saniatigut namminerisamik aningaasaatit aqutigalugit siunissami inissinneqartut sorliit inissinneqartarnissaat nassuiarneqartariaqarpoq.

Akissut:

Innersuussutigineqartoq 2020-mut naatsorsuutit suliarineranni pingaartinneqarsimangilaq. Innersuussutigineqartoq 2021-mut naatsorsuutit suliarinerannut atatillugu naliliiffigeqqinneqassaaq.

Kukkunersiuisut innersuussutaat - 9

Aningaaserivinni kontut mikinerusut ukiup ingerlanerani aamma naleqqussarneqartassasut kiisalu akiligassalinnut aningaaserivimmi kontup tamakkiisumik naleqqussartarnissaa innersuussutigineqarpoq.

Akissut:

Aningaaserivinni kontut mikinerusut ukiup ingerlanerani naleqqussaasarnernut ilannguttarnissaanik kiisalu akiligassalinnut aningaaserivimmi kontup tamakkiisumik naleqqussartarnissaanik Qitiusumik Naatsorsuuseriffik suliaqartassasoq innersuussutigineqarpoq.

Kukkunersiuisut innersuussutaat - 10

Nuussinermiit akiliisitsiniartarnermut suleriaatsit maliinnarneqassasut innersuussutigineqarpoq. Akiligassallit akiliisitsiniarnermut nuutsinneqarsimangitsut nalikillilerneqarsimangitsulluunniit qaammatinik arfinilinnik sivilisunerusumik kinguaattooqqasut arlaqarput.

Akissut:

Naatsorsuuserineranut najoqqutassaq akiligassallit akiliisinniarnissaannut nuussinissanut maleruagassat nutaat nassuiarnerannik imaqartoq kinguaattoorfiusimavoq, tamatumunngalu 2020-mi nutarterisoqarnissaanut Naatsorsuuseriviup sulisussaqsarsimanginnera pissutaavoq. Naatsorsuuserineranut najoqqutassaq 2021-mi suliaassaavoq pingaaruteqarluinnartoq, anguniagaavorlu najoqqutassaq tamakkerluni 2021-p naalernerani nutarterneqarsimassasoq.

Kukkunersiuisut innersuussutaat - 11

Pilersuisut pingaarnarpaat qulit qaammatikkaartumik naligiissarneqartarnissaat innersuussutigineqarpoq.

Akissut:

Qitiusumik Naatsorsuuseriffimmi suleriaatsinik atortunillu ineriartortitsinermik suliaq ingerlaannassaaq, taamaaliornikkut akiligassallit naleqqussartuarnissaat aammalu akiligassaasinnaasut ammaannartut qulaajaaffiginissaat qulakkeerneqassammata. Akiligassaqarnerpaat naleqqussaaffiginissaat maanna qitiutinneqalereerpoq.

Kukkunersiuisut innersuussutaat - 12

Aningaasat avataanit aningaasalersugaasut nammineerluni allakkiarineqartarnissaat innersuussutigineqarpoq. Avataanit isertitat siunertanut aalajangiunneqarsimasunut atorneqassapput. Assersuutigalugu ilisimatusarnermut suliasaqaarfimmi suliniutit avataaniit aningaasalersorneqartut. Isertitat aningaasartuutillu killiffimmut kontut aqutugalugit aqunneqartarput immikkoortortallu ingerlatsinnermut kontuinik toqqaannartumik sunniisaratik.

Akissut:

Innersuussisoqarnera sulisussaaleqineq pissutigalugu 2020-mut naatsorsuutit suliarineranni pingaartinneqarsimangilaq. Innersuussuteqarneq 2021-mut naatsorsuutit suliarinerannut atatillugu naliliiffigeqqinneqarumaarpoq.

Kukkunersiuisut innersuussutaat - 13

Tapinut tunngatillugu akissarsiat suuneri isumaqatigiissutini malittarisassanut tunngatillugu misissuissoqassasoq innersuussutigineqarpoq, matumani suliat/tapit allat eqqortumik malittarisassaqaartinneqanngitsut qulakkeerinniffiginiarlugit.

Akissut:

Teknikikkut kukkunerit amerlasuut sapinngisamik pinngitsoortinniarlugit akissarsiat suuneri tamarmik, taakkununga tapit aamma ilanngullugit, allannguutit akissarsialerinnermut atortumut ilanngutinnginneranni, misissuisarfimmi allami misissuiffigineqassapput. Akissarsiat suunerini tapinut tunngassutilinni arlaatigut naapertuuttoqarsimassanngippat tamakkiisumik akissarsianut allattuiffiit aamma misissuiffigineqassapput, pisariaqarsimappallu saaffiginissutit avataaneersut ilanngullugit. Isumaqatigiissutini atuuttuni kiisalu sulianik suliarinnittarnivinni kukkunerni kukkusumik paasinnittoqarsinnaaneranut tunngatillugu naapertuuttoqarsinnaannginnera aamma maluginiarneqarpoq.

Kukkunersiuisut innersuussutaat - 14

Suliffeqarfimmut isertitanit matussuserneqartumut maleruagassanik suliaqartoqarnissaa innersuussutigineqarpoq, matumani akunnermut akigitat kiisalu allaffissornermut akiliutissat

naatsorsortarnerinut piumasaqaatit, naammassisaqarnissamut piumasaqaatit pillugit aalajangersakkat kiisalu sinneqartoorutaaratarsinnaasut atorneqarnissaat pillugu aalajangersakkat ilanngullugit.

Akissut:

Suliassaqarfinnut tunngasuni, ingerlassat isertitsissutaasartut imaluunniit atuisut akiliutaat missingersuutitut tamarmiusunut pingaarutilimmik ilaasimatillugit - assersuutigalugu aatsitassanut tunngasuni - akunnermut-sulianik aqutsineq atorneqarpoq, tamatumani nukissanik atuinerup eqqoqqissaartumik naatsorsuiffiginissaanik periarfissiisumik.

Suliassaqarfinni allani, ingerlassat isertitsissutaasartut annikitsuinnarmik sunniuteqarfigisartagaanni, akunnermut-sulianik aqutsinermi atortulersuutit atuilernissaq, iluaqutaasinnaanera eqqarsaatigalugu, aningaasartuutit atuinartuussasoq Naalakkersuisut nalilerpaat.

Kontuni pingaarnerni ataasiakkaani isertitaqarnissamut periarfissat, taakkununga oqaasertaliunneqartut aqutigalugit maleruagassiorneqarnikuupput. Suliniutinut avataaniit aningaasalersorneqartunut tunngatillugu - assersuutigalugu ilinniartitaanermut tunngasuni - maannakkut periutsumi atugaasumi, ataatsimut periutsumik taaneqartartumi, tamakkiisumik takussuserneqarnej ajorpoq. Tamatuma sutigut qanorlu iliorluni allanngortinneqarsinnaanera tunngaviatigut isummerfigineqarsinnaavoq, taamaaliornikkut suliassat qanoq annertutigineri aningaasanut inatsimmi naatsorsuutitiliseqqissumik takuneqarsinnaassammata, taamaakkaluartorli taamatut suliniuteqarnissaq pisariaqavinnersoq takussutissaqanngilaq.

Kukkunersuisut innersuussutaat - 15

Allakkianut pisussaaffiit pillugit malittarisassani immikkut ilinniartitsinerit ingerlanneqassanersut isummerfigineqassasoq - tamannalu suliffeqarfiup iluani, suliatigut aqutsisut nakkutiginninnerat aqutigalugit malitseqartinneqassasoq, takuuk taamaattumik pilersitsisoqarnissaa pillugu siusinnerusukkut innersuussutigisimasavut, innersuussutigineqarpoq.

Akissut:

Naalakkersuisut qanoq iliorluni innersuussutigineqartoq suleqatigiiffimmi pitsaanerpaamik atortussanngortinneqarsinnaanersooq isummerfigisavaat. Allakkianut pisussaaffiit pillugit malittarisassat ingerlatsinermut tunngavissanik nalinginnaasunik malinnittut sulilerlaanut pinngitsoorani ilitsersuilluni pikkorissartitsinernut atatillugu erseqqinnerusumik taaneqarnissaat eqqarsaataasinnaavoq.